



Wjeselo mjez zamołwitymi Njebjelčanskeje SJ z přizwolenjom financneje podpěry je wulke. Wotlěwa widźimy Franka Ričela, Bjarnata Delenka, Alojsa Mikławška (CDU), dr. Michaela Wilhelma a Franka Domša. Foto: M. Šořta

Nowy treningowy areal za dorost

Najmłódsi čtonojo SJ Njebjelčic, tak mjenowana bambini-skupina, so nabećać přěhratu hru přećiwu Hodźljej pjatk w Serbskich Pazlicach wjeselachu. Statny sekretar za nutřkowe naležnosće dr. Michael Wilhelm bě mjenujcy na wopyt přijět a měješe překwapjenku sobu: přizwolenje spěchowanskich srědkow něhdže 61 000 eurow za wobnowjenje tamnišeho sportnišća.

W přitomnosći statneho sekretara Wilhelma, čtona krajneho sejma Alojsa Mikławška (CDU) kaž tež zastupjerjow Zapadołužiskeho koparskeho zwjazka, poda prezident Njebjelčanskeje sportoweje jednotki Bjarnat Delenk krótki wuhlad na

předwidzane džěta. Tak maja so drenaže klasć a trawnik zrunać. Za wjetšu wěstotu ponowja wobhrodženje a nastaja saki za bule kaž tež nowe swětłomjetaki.

Po přepodaću šeka a zbožopřečach za dobry sportowy přichod móžachu sej hosćo při najrjeńšim slónčnym wjedrje žonjacu kopańcu lubić dać. Hornja wjes hraješe přećiwu delnjej. Sobotu popołdnu wubědžowachu so w Serbskich Pazlicach potom wjesne mustwa w kopańcy. Nimo domjacych běchu to Pěskećenjo kaž tež stari knježa a młodostni z Njebjelčic. W napjatym finalu přećiwu Pěskećanam dobychu Njebjelčanscy stari knježa z rjanymi wrotami w poslednich mjeńšinach. Njebjelčanska młodžina bu

třeća, Serbskopazličanam zwosta jeno štwórte městno.

■ **Prezident Sportoweje jednotki Njebjelčicy Bjarnat Delenk:** „Sym jara wjesoły, zo móžemy wobstejnosće za naš dorost polěpsić. Myslu sej, zo započnjemy Serbskopazličanske sportnišće nazymu ponowjeć. Džak słuša wosebje Frankej Ričelej a Frankej Domšej, kotraž staj so wo podpěru za projekt prócowaloj. Ze spěchowanjom je něhdže počojca trěbnych pjenjow zaručena. Dalše financy přidatej gmejny a naša sportowa jednotka. Projekt je nam jara wažny, wšako budu tu naši najmłódsi trenować a hrać. A spěchowanje dorosta je wažny stoip našeho towarstwa.“ ■ **Metod Šořta**